

Parlament communal Ilanz/Glion

Communicaziun allas medias

Igl 1. da settember 2021 ha il parlament communal Ilanz/Glion approbau unanimamein la revisiun totala dalla lescha davart il svilup e l'administraziun dallas immobilias. La lescha reglescha uss era la vendita ed affittaziun permanenta dallas immobilias communalas. Avon ei il rapport final voluminus dalla strategia d'immobilias dalla vischnaunca Ilanz/Glion vegnius presentaus. Per las biebein 300 immobilias communalas ellas 13 fracziuns ei la basa per il giudicament davart il diever futur dallas immobilias vegnida creada grazia ad in'analisa digl inventari e dils basegns. Aschia ha l'incumbensa Brändli Capaul pertuccont la reducziun dallas immobilias dalla facultad finanziaria dalla vischnaunca Ilanz/Glion saviu vegnir liquidada.

Medemamein ha il parlament approbau unanimamein la lescha per carrar cun vehichels a motor sin vias d'alp, da funs e d'uaul dalla vischnaunca Ilanz/Glion. Il carrar sin quellas vias era avon sulettamein reglaus sin scalem d'ordinaziun. Igl ei vinavon pusseivel, da carrar sin las vias d'alp, da funs e d'uaul cun ina vignetta. Sper las pusseivladads actualas eis ei tenor proposta dil parlament communal daniev era pusseivel da retrer ina lubientscha per in'jamna (7 gis).

Ultra da quei ei la damonda inoltrada dad Ursula Brändli Capaul pertuccont in'eventuala revisiun parziala dalla lescha da taglia dalla vischnaunca Ilanz/Glion vegnida rispundida. Cun agid da differentas variantas ha la suprastanza communal demussau las consequenzas d'in sbassament dalla taglia sin entradas en cumbinaziun cun in augment dalla taglia sin immobilias e con fetg che quellas adattaziuns savessen contribuir all'attractivladad dil liug.

La proxima sesida dil parlament ha liug mesjamna, ils 27 d'october 2021 allas 19.00 a Glion.

Ilanz/Glion, ils 2 da settember 2021

Parlament communal Ilanz/Glion

Gemeindeparlament Ilanz/Glion Medienmitteilung

Am 1. September 2021 hat das Gemeindeparlament Ilanz/Glion die Totalrevision des Gesetzes über die Entwicklung und die Bewirtschaftung der Immobilien einstimmig genehmigt. Das Gesetz regelt nun ebenfalls die Veräusserung und dauerhafte Vermietung der gemeindeeigenen Immobilien. Zuvor wurde der umfangreiche Schlussbericht der Immobilienstrategie der Gemeinde Ilanz/Glion vorgestellt. Für die gut 300 gemeindeeigenen Immobilien in den 13 Fraktionen wurde mit einer Bestands- und Bedarfsanalyse die Grundlage für die Beurteilung über die künftige Nutzung der Immobilien geschaffen. Der Auftrag Brändli Capaul betreffend Reduktion der Immobilien des Finanzvermögens der Gemeinde Ilanz/Glion konnte somit abgeschrieben werden.

Ebenso hat das Parlament das Gesetz über das Befahren von Alp-, Güter- und Waldstrassen der Gemeinde Ilanz/Glion mit Motorfahrzeugen einstimmig verabschiedet. Das Befahren dieser Strassen war bisher nur auf Verordnungsstufe geregelt. Weiterhin besteht die Möglichkeit, die Alp-, Güter- und Waldstrassen mit einer Vignette zu befahren. Auf Antrag des Gemeindeparlaments wird neu neben den bisherigen Möglichkeiten eine Wochenbewilligung (7 Tage) erhältlich sein.

Ausserdem wurde die von Ursula Brändli Capaul eingereichte Anfrage betreffend eine mögliche Teilrevision des Steuergesetzes der Gemeinde Ilanz/Glion beantwortet. Anhand verschiedener Varianten hat der Gemeindevorstand die Auswirkungen einer Senkung der Einkommenssteuer in Kombination mit einer Erhöhung der Liegenschaftssteuer aufgezeigt und inwiefern diese Anpassungen zur Standortattraktivität beitragen könnten.

Die nächste Gemeindeparlamentssitzung findet am Mittwoch, dem 27. Oktober 2021, um 19.00 Uhr in Ilanz statt.

Ilanz/Glion, den 2. September 2021

Gemeindeparlament Ilanz/Glion